



O'ZBEKISTON RESPUBLIKASI VETERINARIYA VA CHORVACHILIKNI  
RIVOJLANTIRISH DAVLAT QO'MITASI RAISINING  
**BUYRUG'I**

«26» 10 2021 yil.

№114-41/2

Toshkent sh.

**Ўзбекистон Республикаси Президентининг  
2021 йил 6 июлдаги ПҚ-5177-сон қарори  
ижросини таъминлаш тўғрисида**

Ўзбекистон Республикаси Президентининг “Коррупцияга қарши курашиш фаолиятини самарали ташкил этишга доир қўшимча чора-тадбирлар тўғрисида” 2021 йил 6 июлдаги ПҚ-5177-сон қарори ижросини таъминлаш мақсадида,

**Б У Ю Р А МА Н:**

1. Ўзбекистон Республикаси Коррупцияга қарши курашиш агентлиги директорининг “Коррупцияга қарши ички назорат тузилмалари фаолияти тўғрисидаги намунавий низомни тасдиқлаш тўғрисида” 2021 йил 6 сентябрдаги 27-сон буйруғи (рўйхат рақами 3319, 2021 йил 8 сентябрь) маълумот ва ижро учун қабул қилинсин.

2. Коррупцияга қарши ички назорат бўлими фаолияти тўғрисидаги низом иловага мувофиқ тасдиқлансин.

3. Ишлар бошқармаси бошлиғи У.Исматов, ушбу буйруқни қўмита марказий аппарати ходимларига таништирилишини ҳамда худудий ветеринария ва чорвачиликни ривожлантириш давлат органлари ҳамда муассасаларига етказилишини таъминласин.

4. Мазкур буйруқ ижросини самарали ташкил этиш ва назорат қилиш Раиснинг биринчи ўринбосари Ш.Джаббаров зиммасига юклансин.

Раис

Б.Норқобилов



Ўзбекистон Республикаси Ветеринария  
ва чорвачиликни ривожлантириш давлат  
қўмитаси расининг 2021 йил “26” октябрдаги  
114-4/2-сон буйругига  
илова

## Коррупцияга қарши ички назорат бўлими фаолияти тўғрисидаги НИЗОМ

Ушбу низом Ўзбекистон Республикаси Президентининг 2021 йил 6 июлдаги ПҚ-5177-сон “Коррупцияга қарши курашиш фаолиятини самарали ташкил этишга доир қўшимча чора-тадбирлар тўғрисида”ги қарорига мувофиқ Ўзбекистон Республикаси Ветеринария ва чорвачиликни ривожлантириш давлат қўмитаси Коррупцияга қарши ички назорат бўлимининг (бундан буён матнда Назорат бўлими деб юритилади) мақсади, вазифалари, функциялари, хуқуқ ва мажбуриятлари ҳамда унинг фаолиятини ташкил этиш тартибини белгилайди.

### 1-боб. Умумий қоидалар

1. Назорат бўлими ўз фаолиятида Ўзбекистон Республикасининг Конституцияси ва қонунларига, Ўзбекистон Республикаси Олий Мажлиси палаталарининг қарорларига, Ўзбекистон Республикаси Президентининг фармонлари, қарорлари ва фармойишларига, Вазирлар Махкамасининг қарорлари ва фармойишларига ҳамда бошқа норматив-хукуқий ҳужжатларга, Ветеринария ва чорвачиликни ривожлантириш давлат қўмитаси (бундан буён матнда Кўмита деб юритилади) раисининг қарорлари, буйруқлари ва фармойишларига, шунингдек ушбу низомга амал қиласди.

2. Назорат бўлими Кўмита ва унинг тизимида кирувчи ташкилот ва муассасаларда коррупция ҳолатларини барвақт аниқлаш ва олдини олиш, уларнинг сабаб ва шарт-шароитларини бартараф этиш, манфаатлар тўқнашувига йўл қўймаслик ҳамда коррупцияга нисбатан муросасиз муносабатни шакллантириш чораларини кўришга масъул ҳисобланади.

### 2-боб. Кўмитанинг Коррупцияга қарши ички назорат бўлимини ташкил этиш

3. Назорат бўлими ўз фаолиятида бевосита Кўмита раисига бўйсунади.

4. Назорат бўлими бошлиги Кўмита томонидан Ўзбекистон Республикаси Коррупцияга қарши курашиш агентлиги (бундан буён матнда Агентлик деб юритилади) билан биргаликда ўтказиладиган очик танлов асосида ишга қабул қилинади.

5. Назорат бўлими бошлигини лавозимидан озод этиш масаласи Агентлик билан келишилади.

Бунда, Қўмита томонидан Агентликка Қўмита раисининг Назорат бўлими бошлигини лавозимидан озод этиш ҳақидаги тақдимномаси берилади.

Ушбу тақдимномада ходимни лавозимидан озод этиш сабаблари, мотивлари кўрсатилади. Тақдимномага ходимни лавозимидан озод этиш сабаблари ва мотивларини тасдиқловчи ҳужжатлар (масалан, ходимнинг аризаси, ички меҳнат тартиби қоидаларини бузганлигини кўрсатувчи маълумотлар ва бошқа шу каби ҳужжатлар) илова қилинади.

6. Агентлик томонидан Назорат бўлими бошлигини лавозимидан озод этиш сабаблари, мотивлари етарли эмас деб ҳисобланса, шу жумладан Назорат бўлими бошлиги таъқиб қилинаётганлиги ҳақида маълумотларга эга бўлса, ушбу масалада Назорат бўлими бошлиги билан сухбат ўтказилиши мумкин.

7. Қўйидагилар Назорат бўлими бошлиги лавозимидан озод этишни келишишни рад этиш учун асос бўлади:

Назорат бўлими бошлиги лавозимидан озод этиш учун сабаблар етарли эмас деб топилганда;

Назорат бўлими бошлигининг зиммасига юклатилган вазифа ва мажбуриятлар доирасидан ташқари вазифаларни бажармаганлиги ёки ўзига юклатилган вазифа ва мажбуриятларни бажарганлиги учун таъқиб қилинганлиги ҳолати аниқланганда.

8. Тақдим этилган ҳужжатлар Агентлик томонидан уч иш куни ичida кўриб чиқилиб, тегишли Қўмитага Назорат бўлими бошлигини лавозимидан озод этишни келишиш ёки келишишнинг рад этилганлиги сабаблари кўрсатилган хат тақдим этилади.

### **3-боб. Назорат бўлимининг асосий мақсади, вазифа ва функциялари**

9. Назорат бўлимининг асосий мақсади Қўмитада, шунингдек, унинг ҳудудий ва таркибий бўлинмаларида (бундан буён матнда Қўмита тизими деб юритилади) коррупцияга қарши кураш бўйича ISO37001:2016 халқаро стандарти талабларига жавоб берувчи комплекс тизимни, хусусан, коррупцияга қарши курашиш тизимини жорий этиш ва ривожлантириш, коррупциявий ҳолатларни барвақт аниқлаш ва уларнинг сабаб ва шартшароитларини бартараф этиш, коррупциявий хатти-ҳаракатлар содир этилишининг олдини олиш, Қўмита тизими ходимларида коррупцияга нисбатан муросасиз муносабатни шакллантириш мақсадида уларнинг ҳуқуқий онги ва маданиятини ошириш, Қўмита тизимида коррупцияга қарши профилактик чора-тадбирларни ташкил этиш, коррупцияга қарши курашиш соҳасидаги ҳужжатлар ижросини таъминлашдан иборат.

10. Қўйидагилар Назорат бўлимининг асосий вазифалари ҳисобланади:

Қўмитанинг коррупцияга қарши курашиш бўйича фаолиятини такомиллаштириш;

Кўмитада коррупцияга оид ҳуқуқбузарликларни профилактика қилиш ва уларга қарши курашиш;

Кўмитада коррупцияга қарши курашиш тизимини самарали ишлашини таъминлаш ва назорат қилиш;

коррупцияга қарши курашиш бўйича фаолиятни амалга оширувчи ҳамда унда иштирок этувчи бошқа давлат органлари ва ташкилотлари билан ҳамкорликни олиб бориш.

11. Назорат бўлими ўзига юклатилган вазифаларга мувофиқ қўйидаги функцияларни амалга оширади:

а) Кўмитанинг коррупцияга қарши курашиш бўйича фаолиятини такомиллаштириш соҳасида:

Кўмита тизимида коррупцияга қарши курашиш бўйича чоратадбирларни амалга оширишга қаратилган ички идоравий ҳужжатлар лойиҳаларини ишлаб чиқади;

Кўмитанинг коррупцияга қарши курашиш бўйича чора-тадбирларини ишлаб чиқади ва тасдиқлаш учун Кўмита раисига киритади;

Кўмитанинг фаолиятига оид норматив-хуқуқий ҳужжатлар ва ички идоравий ҳужжатларда аниқланган коррупциявий нормаларни бартараф қилиш бўйича таклифларни ишлаб чиқади;

Кўмита томонидан ишлаб чиқиладиган коррупцияга қарши курашиш бўйича чора-тадбирлар лойиҳаларини Кўмита тизимида коррупцияга қарши курашиш сиёсатига мослиги, мақбуллиги ва долзарблиги нуқтаи назардан баҳолайди ва хulosалар беради;

Кўмитада коррупцияга қарши курашиш фаолиятини янада самарали ташкил этиш ва такомиллаштиришга қаратилган аниқ таклифларни Агентликка киритиб боради.

б) Кўмитада коррупцияга оид ҳуқуқбузарликларни профилактика қилиш ва уларга қарши курашиш соҳасида:

Кўмитада коррупциявий хавф-хатарларни баҳолайди, уларнинг натижалари бўйича аниқланган хавф-хатарларни камайтириш юзасидан чоратадбирлар режаларини ишлаб чиқади ва Кўмитада коррупциявий хавф-хатари юкори бўлган лавозимлар рўйхатини яратади;

Кўмита томонидан ўхшаш ҳуқуқбузарликлар содир этилиши эҳтимолини баҳолаш мақсадида давлат ҳокимиятининг бошқа органларида коррупциявий ҳуқуқбузарликлар содир этилишининг ҳолати ва йўналишлари ҳақида маълумот тўплайди;

маҳсус ахборот алоқа каналлари орқали Кўмита ходимлари томонидан коррупциявий хавф-хатарлар ва ҳуқуқбузарликлар ҳақида келиб тушадиган мурожаатларни таҳлил қиласи ва уларни белгиланган тартибда кўриб чиқилишини таъминлайди;

Кўмитада юритиладиган хизмат текширувлари реестри ёки ўтказилган хизмат текширувларини рўйхатга оладиган бошқа тегишли хужжатда коррупция фактларига доир хизмат текширувлари бўйича маълумотларнинг тўғри ва тўлиқ акс эттириб борилишини назорат қиласди;

давлат харидларини амалга оширишда манфаатлар тўқнашувини таҳлил қилишда ва Кўмита билан шартномавий муносабатларга (мехнат муносабатлари бундан мустасно) киришган ҳар қандай юридик ёки жисмоний шахсларнинг ишончлилигини текшириш жараёнида иштирок этади;

Кўмита ходимларига коррупцияга қарши курашиш масалалари бўйича тушунтириш ва тавсиялар беради;

коррупция фактлари ҳақида хабар беришга мўлжалланган маҳсус ахборот алоқа каналларининг фаолият натижаларини таҳлил қиласди ва таҳлилий материалларни Кўмита ходимларига етказади;

Кўмита фаолиятидаги коррупциявий ҳолатларни ва хавф-хатарларни аниқлаш мақсадида аҳоли ва ходимлар орасида сўровлар ўтказади;

коррупцияга қарши курашишга оид талаб ва нормаларнинг бузилиши масалалари бўйича интизомий жавобгарликка тортилаётган шахсларга жазо чораларининг мутаносиблиги ва етарлилигини назорат қиласди;

коррупцияга қарши курашиш тизимини янада такомиллаштириш мақсадида Кўмитада коррупция фактлари юзасидан ўтказилган хизмат текширувлари натижалари ҳақидаги маълумотларни таҳлил қиласди;

ҳар чоракда ва Кўмита раиси талабига кўра Кўмитада коррупцияга қарши курашиш бўйича амалга оширилган ишлар ҳамда улардаги коррупциявий ҳолат ҳақида Кўмита биринчи раҳбарига маълумот киритиб боради;

в) Кўмитада коррупцияга қарши курашиш тизимини самарали ишлшини таъминлаш ва назорат қилиш соҳасида:

коррупцияга қарши курашиш бўйича давлат дастурларида Кўмитага юқлатилган вазифалар ижросини мониторинг қиласди ва назоратини амалга оширади;

Кўмита тизимида коррупцияга қарши курашиш тизимининг ISO37001:2016 Коррупцияга қарши халқаро стандарти талабларига мослигини таъминлайди;

Кўмита ходимларининг малакасини ошириш бўйича ўқув режаларининг коррупцияга қарши нормаларга оид қисмини ишлаб чиқища иштирок этади;

Кўмита ходимлари, шу жумладан коррупциявий хавф-хатари юқори бўлган лавозимлардаги ходимлар учун коррупцияни олдини олиш бўйича ўқув материалларини ишлаб чиқади;

ўқув режага мувофиқ Кўмитанинг барча ходимлари учун коррупцияга қарши курашиш бўйича тренингларнинг ўтказилишини ҳамда уларда ходимларнинг иштирок этишини назорат қилади;

Кўмита тизими ходимлари ва фукаролар ўртасида коррупцияга қарши курашиш бўйича тарғибот тадбирларида иштирок этади;

Кўмитанинг расмий веб-сайтидаги «Коррупцияга қарши курашиш» бўлими ҳамда ижтимоий тармоқларида саҳифаларига жойлаштирилган маълумотларни янгиланиб борилишини таъминлайди;

Кўмита тизимидағи ходимлар томонидан коррупцияга қарши курашиш соҳасидаги Ўзбекистон Республикасининг қонунчилигига ва Кўмитанинг коррупцияни олдини олиш ва унга қарши курашиш бўйича ички хужжатларига риоя қилинишини мониторинг ва назорат қилади;

Кўмита тизимидағи коррупциявий хатти-ҳаракатлар бўйича хизмат текширувларини ўтказиш ташаббусини илгари суради ва унда иштирок этади;

одоб-ахлоқ комиссиялари томонидан манфаатлар тўқнашувини тартибга солиш бўйича қабул қилинган қарорларнинг холислиги ва мақбуллигини текширади;

амалга оширилган мониторинг, хизмат текширувлари ва назорат тадбирлари натижалари бўйича коррупцияга қарши курашиш тизимини такомиллаштириш юзасидан тавсиялар ишлаб чиқади;

Кўмита тизимидағи коррупцияга қарши курашишга масъул тузилма(шахс)лар билан ҳамкорликда коррупцияга қарши курашиш бўйича ишларни ташкил этиш ва ходимларнинг ҳуқуқий саводхонлигини оширишга қаратилган конференциялар, учрашувлар, семинарлар, танловлар ва бошқа тадбирларни ташкил этади;

Кўмита фаолияти унинг коррупцияга қарши курашиш бўйича ички хужжатларига ҳамда халқаро стандартларга мувофиқлиги юзасидан текширувлар ўтказади;

г) коррупцияга қарши курашиш бўйича фаолиятни амалга оширувчи ҳамда унда иштирок этувчи бошқа давлат органлари ва ташкилотлари билан ҳамкорликни олиб бориш соҳасида:

аҳолининг ҳуқуқий онги ва ҳуқуқий маданиятини юксалтиришга, жамиятда коррупцияга нисбатан муросасиз муносабатни шакллантиришга доир чора-тадбирларнинг ишлаб чиқилишида иштирок этади;

қонунчилик хужжатлари билан Кўмита зиммасига юклатилган коррупцияга қарши курашиш бўйича вазифаларга мувофиқ хорижий давлатларнинг ваколатли органларига зарур ахборотни тақдим этиш тўғрисида сўровлар юборади ва уларнинг сўровларига жавоб беришда иштирок этади;

Қўмитанинг коррупцияга қарши курашиш чора-тадбирларини такомиллаштириш юзасидан хорижий мутахассисларни жалб этиш бўйича таклифлар ишлаб чиқади;

коррупциявий хатти-ҳаракатларни бартараф қилиш ёки коррупциявий жиноятларни тергов қилиш бўйича тадбирларни амалга оширишда ҳуқуқни муҳофаза қилувчи органлар билан ҳамкорлик қиласди.

Назорат бўлими қонунчилик ҳужжатларига мувофиқ бошқа функцияларни ҳам амалга оширади.

12. Назорат бўлимига ва уларнинг ходимларига ушбу Низом ва бошқа қонунчилик ҳужжатларида назарда тутилмаган функцияларнинг юклатилишига йўл қўйилмайди.

#### **4-боб. Назорат бўлимининг ҳуқуқ ва мажбуриятлари**

13. Назорат бўлими ўз зиммасига юклатилган вазифалар ва функцияларни бажариш учун қуйидаги ҳуқуқларга эга:

ўзи фаолият юритаётган Қўмита ходимларидан уларнинг ваколатига кирувчи масалалар юзасидан таҳлилий материалларни, хулосаларни, статистик ва бошқа маълумотларни олиш;

хизмат мажбуриятларини бажариш доирасида Қўмита ходимларидан зарур ёрдам сўраш ва олиш;

Қўмита тизими ходимлари фаолиятида аниқланган коррупциявий ҳуқуқбузарликлар юзасидан хизмат текширувларини ўтказиш;

Қўмита раҳбариятига коррупцияга қарши курашиш тизимини такомиллаштириш бўйича таклифлар киритиш;

ўз фаолияти доирасида Қўмита тизимиға ёзма кўрсатмалар, топширик хатлари ва тавсиялар бериш;

Қўмитанинг коррупцияга оид мажлисларида иштирок этиш;

текширувлар ўтказиш, ҳужжатларни талаб қилиш, ходимлардан ёзма тушунтиришлар олиш.

Назорат бўлими қонунчилик ҳужжатларига мувофиқ бошқа ҳуқуқларга ҳам эга бўлиши мумкин.

14. Назорат бўлими ўз зиммасига юклатилган вазифалар ва функцияларни бажариш учун қуйидаги мажбуриятларга эга:

ушбу Низом ва бошқа қонунчилик ҳужжатлари билан юклатилган функцияларни зарур даражада ва самарали бажариш;

қонунчилик ҳужжатлари талабларига қатъий риоя қилиш ва ўз ваколат доирасидан четга чиқмаслик;

Қўмита тизимида жиноят аломатлари, хусусан коррупция ҳолатлари аниқланганлиги тўғрисида зудлик билан тўғридан-тўғри юқори турувчи орган, Агентлик ва бошқа ҳуқуқни муҳофаза қилувчи органларга хабар бериш;

Кўмитанинг коррупцияга қарши курашиш сиёсати, одоб-ахлоқ қоидаларининг коррупцияга оид қисмининг бузилганлиги факти юзасидан Кўмита раҳбариятига маълумотномалар киритиш;

ҳар чоракда, кейинги чорак биринчи ойининг биринчи ўн қунлигига коррупцияга қарши курашиш борасида амалга оширилган ишлар ва чоратадбирлар тўғрисидаги чораклик ҳисботни Агентликка тақдим этиш;

Назорат бўлими ходими қонунчилик хужжатларига мувофиқ бошқа мажбуриятларга ҳам эга бўлиши мумкин.

15. Назорат бўлими ходимлари коррупцияга қарши курашиш соҳасида фаолият юритувчи ходимларга мўлжалланган ўқув курслари ёки маҳсус семинар-тренингларда иштирок этади. Ўқув курслари ёки маҳсус семинар-тренинглар Кўмита ёхуд Агентлик томонидан ташкил этилиши мумкин.

16. Назорат бўлими фаолиятининг натижадорлиги Кўмитада коррупцияга қарши курашиш тизимининг самарадорлик ва мақсадли кўрсаткичларига эришиш натижаларига асосан баҳоланади.

Назорат бўлими фаолиятининг мақсадли кўрсаткичлари Кўмитанинг биринчи раҳбари томонидан тасдиқланади.

Назорат бўлими фаолияти самарадорлигининг мақсадли кўрсаткичларига эришиш устидан назорат Агентлик томонидан амалга оширилади.

## **5-боб. Якуний қоидалар**

17. Ушбу Низом талабларини бузганликда айбор деб топилган шахслар қонунчиликда белгиланган тартибда жавобгар бўлади.

18. Ушбу Низом Ўзбекистон Республикаси Коррупцияга қарши курашиш агентлиги директорининг 2021 йил 6 сентябрдаги 27-сон буйруғи (рўйхат рақами 3319, 2021 йил 8 сентябрь) билан тасдиқланган “Коррупцияга қарши ички назорат тузилмалари фаолияти тўғрисида”ги намунавий низомга мувофиқ ишлаб чиқилган.